

2 января, Праведный Иоанн Кронштадтский, пресвитер
ПОЛИЕЛЕЙНАЯ УТРЕНЯ

«Бог Господь»

Тропарь предпразднства Рождества Христова

Глас 4: Готóвися, Вифлеэме,/ отвéрзися всем, Едэме,/ красуйся,
Евфрафо,/ яко древо животá в вертепе процветé от Дэвы:/ рай бо
Оноя чрэво явйся мýсленный,/ в нёмже Божéственный сад,/ от не-
гóже ядше, жйви бýдем,/ не якоже Адам ýмрем.// Христóс раждáет-
ся прэжде пáдший возстáвити óбраз. *(Дважды)*

Слáва Отцý, и Сýну, и Святóму Дýху.

Тропарь св. прав. Иоáнна Кронштадтскаго, глас 4

Правослáвныя вэры побóрниче,/ земли Россййския печáльниче,/
пáстырем прáвило и óбразе вёрным,/ покая́ния и жйзни во Христé
проповéдниче,/ Божéственных Тáин благоговéйный служйтелю/ и
дерзновéнный о люóдах молйтвенниче,/ óтче прáведный Иоáнне,
целйтелю и предйвный чудотвóрче,/ граду Кронштáдту похвалó/ и
Цёркве нáшея украшéние,/ моли́ всеблагáго Бóга// умири́ти мир и
спастй дýши нáша.

И ны́не, и прйсно, и во вéки векóв. Амйнь.

Тропарь предпразднства Рождества Христова, глас 4

Готóвися, Вифлеэме,/ отвéрзися всем, Едэме,/ красуйся, Евфрафо,/
яко древо животá в вертепе процветé от Дэвы:/ рай бо Оноя чрэво
явйся мýсленный,/ в нёмже Божéственный сад,/ от негóже ядше,
жйви бýдем,/ не якоже Адам ýмрем.// Христóс раждáется прэжде
пáдший возстáвити óбраз.

Величание

Лик: Велича́ем тя,/ святы́й пра́ведный о́тче Иоáнне,/ и чтим свя-
ту́ю па́мять твою́:/ ты бо мо́лиши за нас// Христа́, Бо́га на́шего.

Стихиры по 50 псалме

Глас 6: Тя земна́го а́нгела,/ Небе́снаго челове́ка,/ любве́ Христо́вы
носите́ля,/ земли́ Росси́йскаго печальника/ и о всем ми́ре моли́твен-
ника,/ засту́пника оби́димых,/ о́браз трудолю́бия, чудотво́рца пре-
дѣвнаго/ почита́ем, Иоáнне пра́ведне,/ благодаря́ще Бо́га,// про-
славля́ющаго святы́я Своя́.

Канон, Песнь 1

Канон предпра́зднства Рожде́ства Христо́ва. Глас 1. На 3.

Ирмос, глас 1: Песнь побѣдную по́йм вси Бо́гу,/ сотво́ршему дѣв-
ная чудеса́ мѣшцею высо́кою/ и спа́сшему Изра́иля,// я́ко про-
сла́вился.

Катавасия

Глас 1: Христос ражда́ется – сла́вите!/ Христос с Небес – сря́щите!/
Христос на земли́ – возно́ситесь!/ По́йте Го́сподеви, вся земля́,/ и
весѣлием воспойте, лю́дие,// я́ко просла́вился.

Песнь 3

Канон предпра́зднства Рожде́ства Христо́ва. Глас 1. На 3.

Ирмос, глас 1: Ка́мень, егѡже небрего́ша зи́ждущии,/ сей бысть во
главу́ угла,/ Той есть Ка́мень,/ на Не́мже утверди́ Цѣрковь Хри-
сто́с,// ю́же от язы́к искупѣ.

Катавасия

Глас 1: Прѣжде век от Отца́ рождѣнному нетлѣнно Сы́ну/ и в послѣдняя от Дѣвы/ воплощенному безсе́менно,/ Христу́ Бо́гу возопи́м:/ вознесы́й рог наш,// Свят еси́, Го́споди.

Песнь 4

Канонъ предпразднства Рождества́ Христо́ва. Глас 1. На 3.

Ирмос, глас 1: Ду́хом провѣдя, проро́че Авваку́ме, Словесе́ вопло́щение,/ проповѣдал еси́, вопи́я:/ внегда́ прибли́житься лѣтом – позна́ешися,/ внегда́ приити́ вре́мени – пока́жешися.// Сла́ва си́ле Твое́й, Го́споди.

Катавасия

Глас 1: Жезл из ко́рене Иессѣова/ и цвет от него́, Христѣ́,/ от Дѣвы прозя́бл еси́,/ из горы́, Хва́льный,/ приосенѣнныя ча́щи/ пришѣл еси́, вопло́щся/ от Неискусому́жныя, Невещѣственны́й и Бо́же.// Сла́ва си́ле Твое́й, Го́споди.

Песнь 5

Канонъ предпразднства Рождества́ Христо́ва. Глас 1. На 3.

Ирмос, глас 1: Твой мир даждь нам,/ Сы́не Бо́жий:/ ино́го бо, рѣзве Тебѣ́, бо́га не зна́ем,/ И́мя Твое́ имену́ем,// я́ко Бог живы́х и ме́ртвых еси́.

Катавасия

Глас 1: Бог Сый ми́ра, Оте́ц щедро́т,/ Вели́каго Совета́ Твоего́ А́нгела,/ мир подава́юща, послал еси́ нам;/ тем, Богоразу́мня к свѣту наста́вльшеся,/ от но́щи у́тренююще,// славосло́вим Тя, Человеколю́бче.

Песнь 6

Канон предпразднства Рождества Христова. Глас 1. На 3.

Ирмос, глас 1: Пророка Иону подражая, вопию:/ живот мой, Блаже, свободи из тли// и спаси мя, Спасе мира, зовуща: слава Тебе.

Катавасия

Глас 1: Из утробы Иону младенца изблева морской зверь,/ якова прият;/ в Деву же всельшееся Слово/ и плоть приемшее пройде, сохраншее нетленну:/ Егоже бо не пострада истления,// Родшую сохрани невреденну.

Песнь 7

Канон предпразднства Рождества Христова. Глас 1. На 3.

Ирмос, глас 1: Сущим в пещи отроком Твоим, Спасе,/ не прикоснуса, ниже стужи, огонь./ Тогда трие, яко едиными усты, пояху/ и благословляху, глаголюще:// благословен Бог отец наших.

Катавасия

Глас 1: Отроцы, благочестию совоспитани,/ злочестиваго веления небрегше,/ огненнаго прещения не убойшася,/ но, посреде пламене стояще, пояху:// отцев Боже, благословен еси.

Песнь 8

Канон предпразднства Рождества Христова. Глас 1. На 3.

Ирмос, глас 1: Егоже ужасаются Ангели и вся воинства,/ яко Творца и Господа,/ пойте, священницы, прославите, отроцы,/ благословите, людие,// и превозносите во вся веки.

Катавасия

Глас 1: Чуда преестественнаго/ росодательная изобрази пещь образ:/ не бо, яже прият, палит юныя,/ яко ниже огонь Божества Де-

вы,/ в Нюже вниде утробу./ Тем, воспевающе, воспоем:/ да благословит тварь вся Господа// и превозносит во вся веки.

Песнь 9

Канон предпразднства Рождества Христова. Глас 1. На 3.

Ирмос, глас 1: Живопримный Источник приснотекущий,/ светосносный светильник благодати,/ храм одушевленный, сень пречистую,/ Небесе и земли пространнейшую,// Богородицу, вернии, величаем.

Катавасия

Глас 1: Таинство странное вижу и преславное:/ Небо – вертеп, Престол Херувимский – Деву,/ ясли – вместилище,/ в нихже возлежит Невместимый – Христос Бог,// Егоже, воспевающе, величаем.

Стихиры на хвалитех

Канонарх: Глас 6, Всякое дыхание да хвалит Господа.

Всякое дыхание да хвалит Господа./ Хвалите Господа с Небес,/ хвалите Его в вышних.// Тебе подобает песнь Богу.

Хвалите Его, вси Ангели Его,/ хвалите Его, вся Силы Его.// Тебе подобает песнь Богу.

Предпразднство Рождества Христова на 2

Стих: На 4: Хвалите Его на силах Его, /

хвалите Его по множеству величества Его.

Ангельския предидите силы,/ иже в Вифлееме уготуйте ясли:/ Слово бо раждается,/ Мудрость происходит,/ приемлет целование Церковь./ На радость Богородицы, людие, рцем:// благословен пришедый Боже наш, слава Тебе.

Стих: Хвалите Его во гласе трубнем, /
хвалите Его во псалтири и гуслах.

Горы сладость да каплют, / се бо приходит Бог от юга, / языцы, по-
каряйтесь, радуйтесь, пророцы, / патриарси, сыграйте, человецы,
восплещите руками: / Крепкий и Великий Князь Христос раждается,
// Царь Небес на землю приходит.

св. прав. Иоанна Кронштадтскаго на 2

Глас 8. Стих: Хвалите Его в тимпане и лице, /
хвалите Его во струнах и органе.

Ликуй светло граде святого Петра, / имея в себе днесь прославлен-
ныя святые угольники Божия: / Ксению блаженную, дивную мо-
литвенницу, / и праведнаго Иоанна, пастыря Кронштадтскаго, /
светильника веры и чудотворца изрядна. / Сыграйте, людие
Божии, / в песнях и пениях радуящися, / Христа славяще и угодни-
ки Его, // присно молящися о душах наших.

Стих: Хвалите Его в кимвалех доброгласных, хвалите Его в кимвалех воскли-
цания. /

Всякое дыхание да хвалит Господа.

Ликуй светло граде святого Петра, / имея в себе днесь прославлен-
ныя святые угольники Божия: / Ксению блаженную, дивную мо-
литвенницу, / и праведнаго Иоанна, пастыря Кронштадтскаго, /
светильника веры и чудотворца изрядна. / Сыграйте, людие
Божии, / в песнях и пениях радуящися, / Христа славяще и угодни-
ки Его, // присно молящися о душах наших.

Слава, глас 6:

Слава Отцу, и Сыну, и Святому Духу.

Истиннаго пастыря ты почитаем,/ отче Иоанне праведне,/ явил бо еси в себе образ Пастыреначальника Христа,/ ныне же зрением неизреченныя славы Его наслаждаешься/ и прошения наша слышиши,// молися даровати нам полезная ко спасению.

И ныне, глас 6:

И ныне, и присно, и во веки веков. Аминь.

Зависть же и огонь пояст ты,/ безумный прелестниче, воистинну/ и законная клятва:/ се бо Дева, якоже Исаия прорече,/ име во чреве/ и в яслех восклонит Царя,/ Имже вси от колена Иудова// сильнии оскудеют.

Тропари по славословию

Тропарь св. прав. Иоанна Кронштадтскаго, глас 1

Православныя веры поборниче,/ земли Российския печальниче,/ пастырем правило и образе верным,/ покаяния и жизни во Христе проповедниче,/ Божественных Таин благоговейный служителю/ и дерзновенный о людех молитвенниче,/ отче праведный Иоанне,/ целителю и предивный чудотворче,/ граду Кронштадту похвало/ и Церкви наша украшение,/ моли всеблагого Бога// умирити мир и спасти души наша.

Слава Отцу, и Сыну, и Святому Духу, и ныне, и присно, и во веки веков. Аминь.

Тропарь предпразднства Рождества Христова, глас 4

Готовися, Вифлееме,/ отверзися всем, Едеме,/ красуйся, Евфрафо,/ яко древо живота в вертепе процвете от Девы:/ рай бо Она чрево явися мысленный,/ в немже Божественный сад,/ от негоже ядше,

ж́иви б́удем,/ не я́коже Ада́м у́мрем.// Христо́с ражда́ется прэ́жде па́дший возста́вити о́браз.

1-й час

Тропари

Гото́вися, Вифле́еме,/ отве́рзися всем, Еде́ме,/ красу́йся, Евфра́фо,/ я́ко дре́во жи-
вота́ в верте́пе процветé от Дэ́вы:/ рай бо О́ноя чре́во яви́ся мýсленный,/ в нёмже
Боже́ственный сад,/ от него́же я́дше, ж́иви б́удем,/ не я́коже Ада́м у́мрем./ Христо́с
ражда́ется прэ́жде па́дший возста́вити о́браз.

Сла́ва Отцу́, и Сы́ну, и Свято́му Ду́ху.

Правосла́вныя ве́ры побóрнице,/ земли́ Росси́йския печа́льнице,/ па́стырем
пра́вило и о́бразе ве́рным,/ пока́ния и ж́изни во Христе́ проповéднице,/ Бо-
же́ственных Та́ин благоговéйный служи́телю/ и дерзнове́нный о лю́дех моли́твен-
нице,/ о́тче пра́ведный Иоáнне,/ целите́лю и предивный чудотво́рче,/ гра́ду Крон-
шта́дту похвало́/ и Це́ркве на́шея украше́ние,/ моли́ всеблага́го Бо́га// умири́ти
мир и спасти́ ду́ши на́ша.

Конда́к предпра́зднства Рожде́ства Христо́ва, глас 3

Дэ́ва днесь превéчное Сло́во в верте́пе грядéт родíti неизрече́нно:/ лику́й, все-
ле́нная, услы́шавши,/ просла́ви со А́нгелы и па́стырьми/ хотя́щаго яви́тися Отро-
ча́ Мла́до, Превéчнаго Бо́га.